

石刻史料新編

第三輯

(二八)

新文豐出版公司 印行

地方類

山東省

臨朐藝文志 一卷

臨朐金石續志 一卷

諸城金石考 二卷

諸城金石續考 不分卷

諸城金石續考 不分卷

代嚴訪古日記 一卷

河南省

河南金石志 六卷

祥符金石志 不分卷

尉氏金石附志 不分卷

鄆陵金石志 一卷

清鄧嘉緝纂 001

民劉仞千纂 017

清李文藻纂 039

清朱學海纂 043

清邱濬恪纂 071

清黃 易撰 081

清董 鈺撰 089

清黃舒昂撰 159

清王觀潮撰 175

清洪符孫撰 181

鄢陵金石志	一卷	民蘇寶謙纂	1	9	1
禹州金石附志	不分卷	清姚椿纂	2	0	9
新鄭金石志	不分卷	清黃本誠撰	2	1	3
歸德金石文字志	不分卷	清查昌岐撰	2	3	5
鹿邑金石志	不分卷	清許莢撰	2	4	1
鹿邑金石志	一卷	清蔣師轍纂	2	4	5
淮陽藝文附志	一卷	民朱撰卿纂	2	6	9
西華金石續志	一卷	民潘龍光纂	2	8	3
太康金目志	不分卷	民劉盼遂纂	3	2	3
許州金石志	不分卷	清蕭元吉撰	3	2	7
許昌金石志	一卷	民張庭馥纂	3	3	1
鄆城金石篇	一卷	民陳金臺纂	3	9	3
汜水金石志	不分卷	民趙東階纂	4	2	9
武陟碑碣志	一卷	清方履錢纂	4	3	3
武陟金石志	一卷	民史延壽纂	4	4	9
安陽金石錄	一卷	民李國禔撰	4	6	3
林縣金石志	二卷	民李見奎纂	5	3	9

新鄉金石續志 一卷.....民田芸生編 607

獲嘉金石志 不分卷.....民鄒古愚纂 615

德慶金石志 二卷.....清洪亮吉纂 625

清鄧嘉緝纂

臨
朐
藝
文
志

wt 47/10

光緒臨朐縣志卷九之下

藝文

邑有陪嶽之勝秀甲東方侯國銷壤復盛於漢宜多古碑
竭今無傳矣元魏燹陽片石遂如燼光崇賢范公及趙氏
題石亦足輝耀屢局增重邦邑金元以降遺蹟稍富而名
利殊罕嗚呼奇好古之彥或無取焉然所貴乎金石文字者
爲其歲月地理官簡事實下足備一邑之掌故上可正列
史之闕謬若夫考審書蹟去取優劣此自文士之爲方志
博收不闕斯例也是帙所錄約近百種蠶蟻所及什纔三
四其見於諸書者存佚并不可知甄巖采谷自愧未能考

金石錄卷之六

實訪增須俟來哲茲就目所已見及確知其亡者分注存
佚餘但注見某書待訪而已金石書待訪之例最優然佚
今從省約以時彙次而分注之其不在此例又須別錄佚目
歲月無考者乃附於下朝之後以只石刻吉金閱如金
石標題義嫌失實故次書目別爲後卷仍以藝文統之其
有考證間附論說則桐城姚氏江甯志例也益都段松蒼
胸首載六朝畫鼎注云無年月題記畫作鼎形詳其筆墨
亦六朝在城西南即天山觀音祠北石壁上夫題記既無
亦六朝九久研數今刊其目而附錄於此以俟博雅者考
焉

元魏

玲瓏山鄭道昭題名
正書在山陽洞口西壁

右刻凡十三字焚陽鄭道昭白雲堂中解易老也字徑

一寸四分蒼勁撲茂視山陰白駒谷大字題名殊勝道

昭由光州刺史轉青州刺史史稱其在二州政務寬厚

不任威刑爲吏民所愛今觀此刻以解易老自號方州

坐理不虞談經風規穆然蓋文儒而兼循吏者也白雲

堂築於光州在今萊州天柱山今之萊州即魏光州北

齊書鄭述祖傳在兗州道昭未嘗爲兗州充爲光字

之譌無疑鄭氏石刻萊州最多金石書皆米錄此刻不

著益都金石記錄白駒谷題名會附及之而云未見

記爲益都段松蒼所撰段氏瑛別巖谷種蠶親攜洞口

徘徊失之交臂名蹟之顯晦亦有定數哉玲瓏山一名

北峯山界二縣之交陽屬臨朐陰隸益都山巔祠宇東

北門側別有焚陽鄭道昭解衣冠處九字亦益都界段

氏金石記不載

重修洪福寺碑
正書在殿聯社

寺在古盤陽城內康熙初修寺碑記謂佛法自漢明帝

時入中國寺亦建於明帝時不知何據此碑未詳何人

書撰邑人傅國遊洪福寺詩有云斷碑微有字古寺破

無僧年認孝昌號帝存拓拔稱是在勝國時已苦漫漶

矣今寺廢爲園闕碑亦不存

店

水月庵造像記

正書在城

十里小山社大山村

像高不盈尺刻鏤精緻座四周有字曰大唐調露元年

歲次己卯七月己卯朔五日癸未像艾二娘上為國王

帝主師僧父母見在父孃兄弟及身敬造釋加像一鋪

法界蒼生咸同斯福凡五十六字結體疏秀完好如新

東鎮沂山碑

在城南九十里沂山

房晉撰韓景陽八分書長安四年五月見趙明誠金石

錄目錄第八百二十六金石錄列偽周長安四年武后

攘位之二十一年也考沂山金元碑無道及此刻者知

北齊房景陽撰

三

其湮佚久矣石壽不固拓本亦亡非有趙氏書其目並

鈔知者故亟存之俾好古之士有可考焉

石門山造像記二十八

正書在山崖石壁上
見山左碑目 待訪

像凡二十八軀就石壁鑿成歲月皆晉天寶題名在側

者直書在下者旁行曰峯兒曰廣饒于志曰李嬰曰難

金曰王丁曰房陽曰岳引常曰王思曰杜朗曰王氏曰

監希莊大娘曰田馬曰盧大娘曰上柱國王曰李德清

曰曰文常曰口昇曰口令本日清信曰郭德曰宇文斌

曰張行康曰車懷璧曰口令章餘四或曰子女天官或

曰山石或曰祖母傳或曰染患造像疑上下俱有脫文

此據山左金石志所載今崖石崩摧湮失強半不復可
考證矣

脩東鎮沂山記

在沂山

范王則撰并八分書天寶元年三月見趙明誠金石錄

千二百按東鎮神祐宮記有讀天寶舊碑之

文知元時猶存矣土人云明成宏間祭告之使數歲一

至鐫刻之役日繁沂山石質不中碑材采自西山頗疲

民力有司往往舊去舊刻以應此碑之亡必是時也

王氏墓碑

正書在宋莊莊

昌國縣煌云斷落田中是其時猶存矣碑中姓氏及撰

書歲月略未敘述今遂湮佚靡得而考矣土人云九山

社禰陀寺尚有唐碑久沒土中往歲為耕者所獲推而

碎之矣金石之厄於斯為極

宋

張平墓表

在楊善社

見昌國縣煌今湮滅無迹考宋史平以雍熙四年卒官

給葬具此碑之立當在是時邦獻所繫聊以空目存之

沂山明道寺舍利塔壁記

正書在上寺院廢塔中

鎮海軍節度行軍司馬鄭歸昌撰景德元年歲次甲午

閏九月五日立石字經三分以模拙勝不詳誰書疑亦

出歸昌手記後臚列僧徒及施主姓氏末載秩官有穆陵關鎮主謝璠沂水縣尉侯待聘沂水縣令陳利用似其時沂山在沂水境宋史禮志祭東鎮沂山於沂州互證茲信

明道寺慶塔掛名記 正書在同前

書法及勒石歲月皆同上臚列施主姓氏男婦雜沓多至百餘未有臨朐縣界押司崔鑒別之曰臨朐縣界主客之稱明乎寺之屬於沂水也 胸書作勒若出自本境人亦不當有此誤

仰天山白雲洞應真造像記 正書在洞內見山左金石志 待訪

白雲洞一名羅漢洞深可八九鍾石像極夥題名皆在

座上有乾興年者有天禧年者有天聖年者

石門山崇聖寺譚清等造像記 正書

山左金石志云至和元年石高一尺八寸寬一尺四寸

正書共十四行行約二十字不等字徑六七分今已剝

落不復可辨矣

仰天山水簾洞范希文題名 行書在洞口石壁上見山左金石志 待訪

字徑寸許磨崖書歲月未詳考文正田杭州再徙青州

在皇祐間以疾甚請頴州未至而卒則皇祐四年也文正學術為韓富諸賢之冠乃始為呂夷簡所扼放逐數

仁宗信嚮倚以為治謗毀復生一徙再徙卒使老

死於外雖惠政宜民所至蒙福而天下已任之志固未能一日償也睹此題記重用慨然

沂山設醮記 正書在東鎮廟見山左金石志 待訪

慶曆六年張從訓撰道士吳太昭書石高一尺六寸廣

二尺共十三行字徑五六分金石志載之今覓未獲

觀音洞石鏡題名 正書在仰天山見山左金石志 待訪

洞在北岩之西危徑峭仄頗苦攀陟洞左壁有石鏡正方徑尺光可以鑑俗標八景之目所謂仰天秋月者是也題名字徑三分見金石志但云治平不詳誰某也

逢山嘉祐寺仰天普濟和尚傳法記 正書在逢山嘉祐寺

登仕郎守大理司丞致仕劉詔記付仕郎秘書各核書

郎趙岫書權提點京東東路諸州軍刑公事兼本路

勸農政提舉河渠事朝奉郎尚書職方員外郎輕事都

尉照緋魚裝借紫王居卿篆額推忠葆德功臣資政殿

學士正奉大夫行右諫議大夫知青州軍爭兼管內勸

農使充京東東路安撫使上柱國南陽郡開國侯食邑

一千五百戶食實封二百戶賜紫金魚袋趙抃立石府

志仙釋傳引傳燈錄云普濟禪師姓孫氏樂安人參諸

尊宿深契宗旨開堂駒而逢山熙寧五年敕建功德碑

秘書監趙仇書今考此碑立於熙寧五年八月不云敕

建傳燈錄所述蓋僧徒之夸矣書亦趙岷而非趙仇岷
字景仁卽清獻子以蔭登第通判江州改溫州累官太
僕丞監察御史提舉兩浙常平復爲御史改都官員升
郎出提點京東刑獄愿鴻臚太僕少卿宋史有傳然去
嘗云爲校書郎豈史略之耶傳燈錄書監亦誤按宋
史職官志秘書監正四品秘書省校書郎後八品其階
應殊不能以校書郎蒙監之稱也史傳稱岷爲御史時
所言皆切時務元符中曾布知樞密院將白爲都承旨
蔡卞撫其救傳堯俞事遂不用執父喪甘露降臺木直
節孝行於詩獻可云濟美書體規蘇轍有逸致是可寶

也石高四尺許廣二尺許凡字一千五百有四裂爲七
段今只存六缺二百一十二字中段微有剝蝕餘皆完
好篆額亦古勁居卿字壽明登州蓬萊人史所稱爲俗
吏者也

羣聖祠造石香爐記 正書在玉泉社庵

宋曰祐元年歲次丙寅立祐一字模餽不可辨考宗
景祐元年甲戌皇祐元年己丑嘉祐死年丙申此云丙
寅則元祐也

白雲洞紹聖元年程音題名 有節天山見山左金石志 待訪

仰天山紹聖四年梁子諒等題名 正書見山左金石志 待訪

金石志云磨崖書字徑一寸凡六行行五字左讀

沂明道寺紹聖五年彥鎮等題名 正書在上寺院見山左金石志

字徑四寸許正書兼行共三行金石志存目今訪未得
其石側陷疑爲土掩矣志云在下寺院下字誤

堯王廟造石香爐記 正書在上林莊報恩寺

石六稜高二尺其文曰大宋青州臨朐縣忠善鄉盤陽
村口口敬造堯王廟石香爐一座建中靖國元年歲次
乙丑按徽宗建中靖國建元辛巳不知何以譌爲乙丑
編年錄謂明洪武二十二年分置四鄉禮讓孝慈忠善
仁壽今考此記已有忠善鄉非洪武始置明矣惟盤陽

村今屬仁壽不屬忠善是其小異疑鄉名已古明初經
界特小有更移耳

沂山明道寺崇甯乙酉慎微子等同游題名 正書在上寺院存

字徑四寸凡二行乙酉崇甯四年也金石志作慎微等
題名落一字字

大觀聖作之碑 正書在學宮

大觀元年九月十八日資政殿學士兼侍讀臣鄭居宇
奏乞以御筆八行詔旨摹刻於石立之學官次及太學
辟雍天下郡邑二年八月二十九日奉御筆賜臣禮部
尙書兼侍讀久中令以所賜刻石通直郎書學博士臣

李時雍奉敕羣為太師尚書左僕射兼門下侍郎上柱國魏國公食邑一萬一千二百戶食實封三千八百戶臣蔡京奉敕題額按宋史居中字達夫開封人登進士第自言為貴妃從兄弟妃起家微亦倚以為重由是連進擢大觀元年同知樞密院時妃寵冠後宮於居中無所賴乃用宦官黃經臣策以外戚秉政辭改資政學士中太一宮使兼侍讀蔡京再相多得居中之助居中厚賁報京為言不效居中疑不已援絕之與張康國比而開京迹其所為一傾險嗜利之徒詎知政教蓋是時徽宗方以興建學校為藻飾太平之具居中揣合意旨因

金石錄卷之六

九

有此奏不兩月遂申前命進知院事其故雖不繫此然此亦求媚於上之一端矣奸邪盈朝主德日荒空文無實何裨於治然此碑自佳詔旨摹寫不失毫髮印泥畫沙未論其妙題額字徑三寸姿韻秀逸第以文事言君相固皆擅絕也未數行為時雍自書亦極道備禮部官四人葛勝仲章壽隆李圖南末即鄭久中列名於時雍之後京之先詳其銜位皆以次而尊唐宋上表結銜尊者在此碑之式正同勝仲見宋史文苑傳

白雲洞政和元年張贊題名

正書在仰天山見山左金石志

待訪

金石志云磨崖高一尺二寸寬一尺字徑一寸五分

白雲洞豐溪老人詩

正書在見前山左金石志

待訪

金石志云政和三年老人為誰則未詳也志別載有白雲洞政和題名姓字並無考

仰天山趙德父題名

正書在見前山左金石志

待訪

水簾洞題名二一政和間小字一宣和間大字白雲洞題名二皆宣和間字亦大小各別德甫明誠字也父挺之為相力排元祐諸人而德甫獨喜藏蘇黃文字以此見惡於父尤嗜瘠金石之文積至二千卷考其異同為金石錄三千卷題識五百二篇博雅好古固一時之儒也其遺蹟不多見兩洞題刻金石書從未著錄據益都

金石錄卷之六

一

金石記敘乾隆時段氏始訪得之載入山左金石志沈晦巖谷七百有餘歲至是乃大顯於時宜乎段氏以為至樂也德甫少為太學學生崇寧二年出仕宦連守兩郡靖康元年守淄川異語李易安金石錄後敘中又有屏居鄉里十年之文未審當在何時徵之此刻其即政和宣和間歟

天池寺三教碑

正書在龍門山見昌國縣志

苑士廉書徽宗政和五年立昌國縣輝云書法類趙峴則當時猶見之今訪未得

白雲洞梁朝奉題名

正書在見前山左金石志

待訪

右題名共四行行五字徑七八分金石志存目名字未詳朝奉階官之稱也考宋史文散官有朝奉大夫朝奉郎時云某朝奉者大都為朝奉郎宋人文集中往往見之然以稱人非自稱也此當為當時同游者所題

白雲洞禱祀題名

正書在見前山左金石志

待訪

金石志存目歲月姓氏並未詳按傳國詩有云羅漢洞中多奇字半勒崇甯大觀事疑兩朝題名正多志卻全未采及豈遺之耶抑此與前梁朝奉題名並是特已漫漶年號不復可辨耶

金

東鎮修瓦殿記

正書在正殿廷下

正隆四年歲在己卯六月戊戌前太學生劉口記彭城劉儀書記後下列疏首數十人末都維首張林乃倡興是役者金碑有都維那副都維那等稱此云都維首小異上列秩官有儒林郎可沂水縣尉雲騎尉賜緋魚袋口口承奉郎可沂水縣主簿雲騎尉賜緋魚袋口口明威將軍行沂水令上騎都尉口口開國子食邑五百戶蒲察雅忠翊校尉穆陵關捉殺盜賊官李琳從仕郎可益都府臨朐縣尉趙彞承務郎行益都府臨朐縣主簿雲騎尉賜緋魚袋蓋伯仁廣威將軍行益都府臨朐

光緒臨朐縣志卷下

十一

光緒臨朐縣志卷下

十二

縣上騎都尉廣陵縣開國子食邑五百戶高天慶考金制凡進士則授文散官謂之文資官自餘皆武散官謂之右職此碑所載二令蓋皆右職其曰某某將軍者武散官正五品也上曰廣威下曰明威曰上騎都尉者正五品勳級也曰某某縣開國子食邑五百戶者正五品封爵也食邑同散官入銜非有實封也諸縣令從七品而此以五品右職任散官高於職事故口行也簿尉皆文資官者正隆元年格進士上甲中甲下甲初除皆軍判丞簿尉也大定後文資官始不得除縣尉也儒林郎從九品下從仕郎從八品下承務郎從七品上也承奉郎未詳史

志七品承務外但有承德承直也雲騎尉者勳級正七品也簿尉皆正九品散官高於職事茲不曰行而曰可者疑初授之詞也忠翊校尉武散官正八品下也捉殺盜賊官疑即四尉亦縣尉四員正八品專巡捕盜賊餘縣置四尉者同此官與職對故不曰行曰守曰試也結銜繁重多訝其不倫者故詳述官制俾閱者無惑焉記有云阜昌間巨寇類臻嘯聚此山餘黨歸集滿萬餘數東阿宰田君紹祖以詩題廟壁即曰大破類臻蕩搖巢穴此事傳紀不載蓋是時地方屬於偽齊也考宋史劉豫受金冊潛號稱帝及廢為島王先後僅八年耳叛臣

媚敵盜據土疆蟬聯朝暮何足齒及此碑之立相去已

二十餘年猶追書其年號秉筆者可云無識

白雲洞題詩在見前 見山左金石志 詩訪

金石志存目考正隆四年東鎮廟碑知量為臨胸尉

白雲洞周林大定間題名在見前 見山左金石志 待訪

逢山廟大定殘碑正書在西安店逢山廟壁間

殘石方尺許字徑五分蒼勁有格山左金石志不載

仰天山觀音洞題名俱正書 見山左金石志 待訪

一明昌間紇石烈定速一泰和九年黃相餘姓氏未詳

金石志但云大定明昌題名而已

光緒臨縣志卷六 藝文

興公和尚壽塔記正書在懸泉寺

明昌癸丑靈泉院住持僧男口立癸丑章宗四年也字

極秀削記稱僧男稱先考不經之甚宋碑先師小師之

稱較此為雅馴矣

創造三覺廟香鑪階砌碑正書在石溝村

石石凡六面明昌四年建字畫祖醜文亦鄙俗有云建

造廟宇神像團圓鄉愚不知擇言可發一噓後具石溝

村合社姓名石溝村今屬禮讓鄉而此記云靈泉鄉知

金時鄉名與今有異

天甯寺敕牒記正書在仰天山文殊院 見山左金石志 待訪

石方廣二尺一寸明昌七年立按金史章宗本紀明昌
只六年明年為承安元年然改元實在十一月此石蓋
立於改元之先故仍書明昌也

律令禁約樵采東鎮廟界內山場之碑正書在沂山東鎮廟

大安三年立結銜武略將軍行縣尉王承事郎可縣主

簿桂并無名字蓋文告體也正隆碑並列臨胸沂水官

屬此碑簿尉未詳何縣考金史地理志臨胸屬益都府

沂水屬莒州而禮志云祭東鎮於益都府其時東鎮不

隸沂水明矣此簿尉自當是臨胸官

新寨崔府君廟碑

光緒臨縣志卷六 藝文

二郎山碑

右二碑昌國餘艘碑刻存目撰書姓氏及立石歲月未

詳又有完顏沒里也記在仰天山碑刻不錄附見山部

以上山左金石志俱失載

元

宣授千戶井公先塋碑正書在田村

益都路提舉學校官蕭臺張履維則記後進王麟書丹

象額大朔至元三年歲在丙寅仲冬下旬有八日宣授

侍衛親軍千戶井洞立石按碑文云公諱洞字潤甫

邑田村里人也幼而為學涉獵古今長居戎行每遇勤

敵陷陣先登軍中目之曰拔靚考元史兵志勇戰無敵

拔靚此又云拔靚以華自癸丑起家以功授臨朐白沙

巡檢考元史兵志勇戰無敵無此官疑中統定官制裁之管軍百戶乙卯遷臨

朐尉戊午攻破東海陞管軍千戶己未下漣州授宣威

將軍元帥右都監中統四年受本路行省大都督劄付

充漣州兵馬鈐轄考元史百官志無此官金志諸有州

足補元志之闕所云其年蒙本路經略使奏上宣授金

符印信充武衛軍千戶至元三年改授侍衛親軍千戶

其略如此癸丑米理宗寶祐元年也是時金亡已十八

年蒙古盡有中原然李璫方為益都行省專制山東拔

漣州取四城又璫事據元史當在憲宗八年戊午此云已未與史不合涓蓋會

隸璫麾下者武衛軍置於中統三年考元史是年璫降

宋據濟南旋被獲誅以待衛親軍都指揮使董文炳兼

山東東路經略使收籍益都軍充武衛軍至元元年改

武衛軍為侍衛親軍二年十二月增侍衛親軍一萬人

內選益都路一千涓充侍衛千戶正籍軍之次年改授

侍衛親軍千戶又正增軍之次年也此碑為涓葬其祖

父而立祖周中年而歿父佗歷官都提控漣州同知防

禦使事不願仕終於家先世事蹟無述故敘涓戰功實

實稍詳體製同閭子靖劉宣武先塋碑借筆無史裁頓

允寡要涓時見在而曰以身殉國非惟辭害實亦理妨

矣履名又見益都萬壽宮經幢記維則蓋其字也撰記

之上名字並題他刻罕見此例

文殊院山界記正書至元七年立在仰天山

閭元帥墓碑在辛塚莊西待訪

至元二十年立在大辛水東岸今已半沒於水文義不

可屬讀其略云閭公名玉其先營人高祖慕驍邑風俗

簡樸卜居丹水北之小山莊祖名澤慷慨好施歲饑捐

家資數萬全活甚眾公值時亂充百夫長屢立戰功官

至武義將軍左衛親軍管軍總管中敘戰功甚簡第云

攻某地有功授某官而已然姓字不掛史策猶賴此碑

粗傳視劉萬戶續元帥諸人為獨幸矣國為閭之俗字

說文無之春秋時有閭職閭敖均不作閭後世姓譜強

分為二書姓者舍閭從閭士夫類然不獨武吏矣

懸泉寺記正書至元二十九年立在孤山

同知懷州事郭公神道碑銘正書在承恩廟

前翰林學士口口大夫江南浙西道肅政廉訪使閭復

諱朝列大夫治書侍御史行御史口口事李處與蒙額

从仕郎觀城縣尹兼管本縣諸軍與魯勳農事劉遂賢

大元元貞三年歲在丁酉三月口口大夫江浙憲行中

書省事郭筠立按碑文郭公諱義字信之其先太原人
官下邳因家焉金季倅懷州因亂流寓海岱筠其仲子
也筠終昭文館大學士名見元史未有列傳出處梗概
亦賴此碑粗傳碑銘撰於至元二十九年壬辰考元史
閻復傳二十三年陞翰林學士二十八年為浙西道肅
政廉訪使此云前者則正因桑哥輔政碑牽涉免官時
也文溫雅可誦遂書亦工惜石碎為六款鄰田間雖摩
挲若薛文義尚可屬讀而殘缺已不少矣篆額不存處
巽名又見集慶路學嶠山刻石跋尾

御製封東安王碑 篆書 舊在東鎮廟

大德二年立考元史成宗本紀大德二年二月壬子詔
加封東鎮沂山為元德東安王歲時與嶽瀆同祀著為
令式此石所刻乃敕封詔

大元增封東鎮元德東安王感應之碑 正書 在見前

益都路儒學教授馬驥撰譯史張德貞書刻於前碑之
陰驥名又見益都縣山降御香記德貞采訪作縣尹此
云本路譯史知采訪誤矣

仰天山觀音洞石鏡題名 大德間 見山左金石志 待訪

仰天山白雲洞單顯卿大德十一年題名 正書 見山左金石志

東安王神應記 正書 在沂山東鎮廟 見山左金石志 待訪

蒲察撰至大三年立按金史國語解蒲察漢姓曰李此
據金石志疑有脫字

東鎮廟祭春記 正書 在見前

至大四年十二月二十有一日立進義副尉益都路臨
胸縣達魯花赤兼管本縣諸軍與魯勸農事馬合麻記
詞甚淺俚字亦鈍拙考元史武散官三十四階進義副
尉居末係從八品臨胸中縣達魯花赤正七品官不對
職選舉志所云蒙色月初授散官或降職是也

東鎮祭告碑 正書 在見前

集賢大學士脫歡撰翰林待制蔡文淵書皇慶二年立

考元史脫歡之名先後凡十數見有傳者一乃世祖時
人非此脫歡也相威傳孫脫歡集賢大學士以官證之
此其是矣文淵至順元年參知政事見宰相表

豆巖禪師塔記 正書 延祐五年立 在仰天山

月巖一公塔記 正書 延祐五年立 在同上

輝公塔記 正書 延祐五年立 在同上

濟禪師塔記 正書 延祐五年立 在同上 見山左金石志 待訪

東鎮祭告碑 正書 在沂山

集賢侍講學士中奉大夫魏必復記延祐六年三月立
必復侍御史初之子也名見元史魏初傳碑內有云

擊御香織金幡二白金香盒一中統鈔伍錠考元史記
五錠之禮銷金幡二四清用銀香合一重二十五兩鈔
二百五十貫此云五錠則是每錠作五十貫矣王惲秋
澗集云元朝至元寶鈔凡十等元史食貨志作十一等自五文始
文為半錢二十文為一錢三十文為一錢半五十文為
二錢半一百文為五錢二百文為一貫三百文為一貫
五錢五百文為二貫五錢一貫為五兩二貫為十兩五
箇一貫為半錠五箇二貫為一錠元史食貨志至元鈔
每一貫文當中統五貫文以二書證之其數適合結街
有御位下必闌赤差監修廟官也朱彥魯迷失必闌赤

藝文

譯言典書記者以蒙古人為之中書省六部皆有是官
此云御位下則怯薛之屬為天子主文史者也見元史
兵志

東鎮沂山元德東安王廟神祐宮記正書在三清殿廢基存

至治二年季秋中旬八日前益都路儒學錄桑居敬記
崇真明道大師本宮上院太虛延壽宮元壇提舉鄒道
順書并篆安和明德通妙大師東鎮廟神祐宮住持提
點王道融立石神祐宮者知廟道士參禮之所也在東
安王廟石按碑文唐時已有之大德間知廟事張德顯
修復至是重修主其事者為宣授圓明真靜純德大師

本路都道錄東鎮太虛宮提點梅道隱道隱師號
皆多至六字考元史選舉志僧道能以自己衣鉢濟饑
民者三百石之上六字師號都省出給二百石之上四
字師號一百石之上二字師號俱禮部出給此豈皆以
濟饑得歟碑陰列道士宗派

臨朐重興廟學記正書在教諭宅前存

莒州儒學正時惟敏撰本縣儒學教諭戴思忠書至治
三年立字畫甚劣以關掌故存之

東鎮代祀記正書在廟內殿下存

益都路儒學教授尚毓德記誌儒學正呂頤書口口王

藝文

訥題額泰定元年春三月立代祀官為御位下必闌赤
僧寶國子監典簿王錫按五音集韻錫乃錫之誤字錫音德工人治木器命名而取錫字不學
之甚元史祭祀志皇帝登寶位遣官致祭降香幡盒
如前惟加銀五十兩此碑有金幡銀盒白金楮幣之文

正與史合

劉贊代祀詩正書致和元年刻石在沂山東鎮廟鼓樓存

元天順八年口口和尚墓碑正書在龍巖寺前山存

沙門喜悅庵書石已分裂字尚完好天順係泰定帝太
子阿速吉八年號考元史泰定帝以七月崩於上都皇
太子時年九歲以九月即位改元十月即為齊王月魯

木耳等所破不知所終蓋在位只二月耳而文宗亦於九月入京師稱帝改元天祿乃碑不曰天祿而曰天順豈人心繫屬太子文宗之襲位細流亦有違心耶然至八年之久則已為順帝至元元年不應仍稱天順於事疑焉謂是明天順而首冠元字又殊清晰肯賢謂金石歲月信於國史此類殆不然矣和尚名竟作二口亦所未解

集賢院大學士廓然陳顥與大尹致嚴想居祐唱和詩正
任沂山東鎮廟

郝載書天祿元年刻石按元史顥字仲明清州人早登

藝文

三

王磐安藏之門安藏薦入宿衛尋為仁宗潛邸說書從至懷慶仁宗即位特拜集賢大學士仁宗崩辭祿家居者十年文宗即位復起為集賢大學士後至元四年致政明年卒追封藺國公諡文忠此詩作於天祿元年距仁宗之崩纔八年耳既奉命代祀至此在復起以後可知家居十年之說疑史有誤顥先後居集賢署薦士廣累數百仁宗時贊行科舉文宗時復勸增國子學弟子員竭儒之徭役篤意文治亦賢矣哉其文字不少概見荒山片石固當珍若韓陵矣居祐蓋都府尹又有和集賢都事劉瓚詩見致和元年石刻

趙崇詩正書在東鎮廟

崇字伯厚益都尹以陪祭至沂山此詩乃題贈遣祭官翰林直學士梁完者禿太常經歷李敏之者也前有敘言後綴七言近體一首語不甚工至順三年二月初石加封孔子記正書在文廟大成殿前

加封孔子詔元文類係閭復撰詔下於大德十一年九月至順四年五月本縣儒學教諭鞏克永立石凡二列上書詔文下為記古青進士魏中撰膠西儒學教諭趙時中書丹儒士賈瑞篆額碑陰題名四列考益都金石記李氏遷祖碑亦趙時中書然在世祖至元七年此碑

光緒間縣志

三

之立相去已六十二年且至元時已官益都路府學正而此云膠西儒學教諭元制教諭歷二考陞學正豈其降官反在暮齒疑無可質未知果一人不記碑其書倣顏平原結構老成此碑字畫亦不類也

至順殘刻在治源見山左金石志 待訪

大佛寺經幢三通正書在城內待訪

一大朝經幢一尊勝經幢一至順經幢均見山左金石志大佛寺土人云卽今城西法雲寺內住比邱尼詢以經幢不知為何物也院中有一碌碡高尺許圍二尺許周甸有字點畫漫滅形跡隱約可辨似是斷幢石為之